

28.11.21
482
I.A. 01/13

BOSNA I HERCEGOVINA
UPRAVA ZA INDIREKTNO OPOREZIVANJE
BANJA LUKA

ODJELJENJE ZA KOMUNIKACIJE I MEĐUNARODNU SARADNJU

Broj: 01/3-50-4-UP/I-68-9/21

Datum, 26.11.2021. godine

Na osnovu člana 14. stav 2. Zakona o slobodi pristupa informacijama u Bosni i Hercegovini („Službeni glasnik BiH“, broj: 28/00, 45/06, 102/09, 62/11 i 100/13), u postupku odlučivanja po zahtjevu advokata Senke Nožica iz Advokatskog društva „ADEMOVIĆ, NOŽICA I PARTNERI“, Titova 50/IV, 71 000 Sarajevo, za pristup informacijama, Odjeljenje za komunikacije i međunarodnu saradnju, d o n o s i

RJEŠENJE

1. Odobrava se advokatu Senki Nožica iz Advokatskog društva „ADEMOVIĆ, NOŽICA I PARTNERI“, Titova 50/IV, 71 000 Sarajevo pristup informacijama u dijelu zahtjeva u kojem se traži informacija u vezi sa uvozom rabljenih autobusa na CNG pogon u periodu od 2017. do 2020. godine od strane „CENTROTRANS-PGS“ d.o.o. Sarajevo.
2. Odbija se advokatu Senki Nožica iz Advokatskog društva „ADEMOVIĆ, NOŽICA I PARTNERI“, Titova 50/IV, 71 000 Sarajevo pristup informacijama u dijelu zahtjeva u kojem se traže informacije u vezi sa uvozom rabljenih autobusa na CNG pogon u periodu od 2017. do 2020. godine od strane „CENTROTRANS-EUROLINES“ d.d. Sarajevo i društva „SEJARI“ d.o.o. Sarajevo a kojim se traži:
dostavljanje fakture prilikom uvoza predmetnih autobusa sa iskazanom cijenom svakog pojedinačnog autobusa, zapisnik UIO prilikom uvoza predmetnih autobusa i, ukoliko je došlo do korigovanja vrijednosti označenih na fakturama, dostavljanje i zapisnika i vrijednosti korigovanog iznosa po osnovu kojeg iznosa je i obračunat PDV.

Obrazloženje

Advokat Senka Nožica Advokatskog društva „ADEMOVIĆ, NOŽICA I PARTNERI“, a u svojstvu braniteljice gospodina Muje Fiše iz Sarajeva kojeg brani u krivičnom postupku koji se vodi pred Kantonalnim sudom u Tuzli, podnijela je dana 25.10.2021. godine Upravi za indirektno oporezivanje Zahtjev za pristup informacijama u kojem se traži dokumentacija koja sadrži podatke u odnosu na autobuse pogonjenjem na CNG plin koje je društvo „CENTROTRANS-EUROLINES“ d.d. Sarajevo, ili firma kćerka – društvo „CENTROTRANS-PGS“ d.o.o. Sarajevo, ili društvo „SEJARI“ d.o.o. uvezlo u Bosnu i Hercegovinu u periodu od 2017. do 2020. godine.

Naime, uvidom u predmetni akt utvrđeno je da tražite dostavljanje dokumentacije tj. podataka koji se odnose na treću stranu, tj. „CENTROTRANS-EUROLINES“ d.d. Sarajevo, „CENTROTRANS-PGS“ d.o.o. Sarajevo i „SEJARI“ d.o.o. Sarajevo.

S obzirom da su predmetnim zahtjevom zatražene informacije koje uključuju povjerljive komercijalne interese treće strane, u skladu sa članom 7. Zakona o slobodi pristupa informacijama u Bosni i Hercegovini („Službeni glasnik BiH“, broj: 28/00, 45/06, 102/09, 62/11 i 100/13), obavijestili smo treću stranu o pojedinostima Vašeg zahtjeva, tražeći od pisanu saglasnost za objavu informacija.

1. „CENTROTRANS-PGS“ d.o.o. Sarajevo obavijestilo je ovu upravu dopisom broj 01/3-50-4-UP/I-68-7/21 od 19.11.2021. godine da, pravno lice Centrotans PGS d.o.o. Sarajevo sa sjedištem na adresi u ul. Kurta Schorka br. 14, Općina Novi grad Sarajevo (ID broj: 4201929500008) nije uvozilo odnosno kupovalo rabljene autobuse na CNG pogon u periodu od 2017. do 2020. godine.
2. „CENTROTRANS-EUROLINES“ d.d. Sarajevo, dopisom broj 01/3-50-4-UP/I-68-6-21 od 19.11. 2021. godine, i „SEJARI“ d.o.o. Sarajevo, dopisom broj 01/3-50-4-UP/I-68-9 od 25.11.2021. godine obavijestili su ovu upravu da nisu saglasni sa objavom traženih podataka.

Iz prednje navedenog proizilazi da, s obzirom na to da je Vaš zahtjev usmjeren na traženje podataka koji predstavljaju povjerljive komercijalne informacije treće strane, i za čije objavljivanje je potrebna saglasnost treće strane u skladu sa članom 7. Zakona, a kako ista nije dobijena od strane gore navedenih pravnih lica, iste Vam ne možemo dostaviti.

Slijedom navedenih činjenica, odlučeno je kao u dispozitivu rješenja.

Iz prethodno navedenog, a imajući u vidu da su tražene informacije potrebne za postupak koji se vodi pred Kantonalnim sudom u Tuzli, to vas informišemo da Vaš zahtjev dostavljen UIO BiH treba biti upućen nadležnom organu kod kojeg se vodi postupak, da nadležni organ od Uprave zatraži predmetnu dokumentaciju.

Pravna pouka: Protiv ovog rješenja podnosilac zahtjeva ima pravo podnošenja žalbe direktoru Uprave za indirektno oporezivanje u roku od 15 dana od dana prijema rješenja. Žalba podliježe plaćanju takse u skladu sa Zakonom o administrativnim taksama („Službeni glasnik BiH“, broj: 16/02, 19/02, 43/04, 08/06, 76/06, 76/07, 03/08, 42/08, 03/10 i 98/12).

Dostaviti:

1. g-đa Senka Nožica,

Advokatsko društvo „ADEMOVIĆ, NOŽICA I PARTNERI“

Titova 50/IV, 71000 Sarajevo (uz dostavnicu)

2. Odjeljenju 01/3 2x

3. a/a



NACELNIK ODJELJENJA

Ratko Kovačević, dipl.ecc.